

Bastia, u 28 di lugliu di u 2020

CUMUNICATU DI STAMPA DI U CUNSIGLIU ESECUTIVU DI CORSICA

## A Cullettività di Corsica à fianc' à i paesi, intercumunalità è rughjoni di Corsica

U Cunsigliu esecutivu di Corsica, adunitu u 28 di lugliu di u 2020, presidendu Gilles Simeoni, hà esaminatu è validatu parechji raporti relativi à u sustegnu di a Cullettività di Corsica à e cumune è à l'intercumunalità, in u quattru di u *Rigulamentu di l'aiuti à prò di l'alloghju è di l'abitatu « Una casa per tutti, una casa per ognunu »*, aduttatu di settembre di u 2019, è di u *Rigulamentu di l'aiuti à e cumune, intercumunalità è territorii « Territorii, pieve è paesi vivi »*, aduttatu di nuvembre di u 2019.

Da ch'ellu hè ghjuntu à e rispunsabilità, u Cunsigliu esecutivu di Corsica hà incalcatu a logica d'equità è u sustegnu à l'internu di l'isula da priorità assolute, ciò chì si traduce particulare cun tassi bunificati d'intervenzione à u benefiziu di e cumune chjuche di i rughjoni campagnoli o muntagnoli.

Sò dunque state decise individualizzazione nantu à i capituli bugettarii o i dispositivi quì sottu :

- **Dutazione cinquennia è dutazione scole** (202 operazione di cumune è intercumunalità di a Corsica sana) : **6 140 007 €**
- **Fondu tempurari** (4 operazione) : **138 430 €**
- **Fondu di sulidarità territoriale** (5 operazione) : **825 788 €**
- **Accuncera culturale di u territoriu** : **3 122 594 €** (finanziamentu à 70% di un prugettu di sala di spettaculu in a A Ghisunaccia, prugettu purtatu da a Cumunità di Cumune di u Fium'Orbu Castellu, culligatu cù u finanziamentu da a Cullettività di Corsica di a scola di l'arte di Prunelli di Fium'Orbu in u quattru di a pulitica di sviluppu di l'accessu à a cultura per tutti in ogni territoriu)
- **Alloghju** – operazione di compre è di migliuranza di casali, acquisti fundiarii è custruzione cù u scopu di offre alloghju lucativu cun prezzi inquatratu o aiutà l'accessu à a pruprietà cun prezzi ammaistrati (31 operazione frà e quale 28 per cumune di i rughjoni campagnoli o muntagnoli) : **2 379 766 €**
- **Cumune furestiere** - cuntribuzione anninca à u regime furestieru : **124 000 €**
- **Animazione di i territorii**, via u centru CANOPE / offerta di serviziu polu d'animazione Alta Rocca : **30 000 €**

**In tuttu, u Cunsigliu esecutivu hà individualizatu issu ghjornu 12,767 585 milioni d'eurò pè e cumune è l'intercumunalità di l'isula.**

L'arrestati d'attribuzione seranu firmati à u più prestu.

L'aiuti più impurtanti seranu trasmessi à a Cummissione di e Finanze per infurmazione, cunforme à u regulamentu vutatu da l'organu deliberante.

In quantu à i particolari di l'inseme di l'aiuti, tutt'ognunu ci averà accessu alloc'à un mese nantu à u situ Internet di a Cullettività di Corsica.